



UNIVERSITÄTS-
BIBLIOTHEK
PADERBORN

**Veritates Christianæ Qvæ Modvm Exhibitent Benè Vivendi
Et Benè Moriendi**

Balde, Hendrik

Ipris, 1689

41. Cap. De Conscientia.

Nutzungsbedingungen

[urn:nbn:de:hbz:466:1-56447](#)

Gaudebit quoque adhiberi se , ut in salutem tuam incumbat , magisque te nunc diligit , quam antea ; quandoquidem argumento evidenti didicerit , tibi se in amore ac estimatione esse , sequitur virum ferventem , sapientem , sincerum ac benignum à te haberi . Amor provocat amorem .

Hicce omnibus rationibus si adduci nequeas , ut ei , qui à confessionibus tibi esse solet , quique omnium optimè iuvare te potest , peccata tua pandas ; alium , ne innotescas , accedas licet , dummodo verum , sincerumque dolorem , ac firmi emendationis propositū conceperis .

Præstat sacerdotem ignotum adire , eaque clam vel in tenebris noxas detegere , quam sacrilegam peragere confessionem , cujusmodi esset illa , quæ , huc illuc discurrendo , institucretur liberiū peccandi gratia .

CAPUT XLI.

DE CONSCIENTIA.

Antequam quis in peccatum labitur , conscientia illi ad instar freni est , quo præcepis in malum cursus valeat inhiberi .

Oclamat

Occlamat: ne feceris, periculosa plementa opus aleæ tractas, salutem animæ tuæ in descrimen adducere te quis non videt? nonne posset contingere, ut flagitio vix perpetrato sine morâ te mors opprimereret? Innumeros illa in peccato deprehensos ex hâc vitâ sustulit. Horrendum est incidere in manus Dei viventis.

Qui modò conscientiæ suæ parere refusat, qui illam ut actionum suarum moderatricem sequi debeat, is postmodum durissimam ejus carnificinam subire cogetur.

O quantum bonam inter & malam conscientiam interest! o quanto satius est illam præ hac nocturna esse! nam ut. *S. Augustinus ait. Quemadmodum mala conscientia tota in desperatione, sic bona conscientia tota versatur in fide.*

Secura mens nullius sibi culpæ conscientia, Quasi juge convivium, atque unicum est in hac vita verum sincerumque solarium, futurorumque prælibatio gaudiorum.

Qui recte vivit, extra mœroris & anxietatis metam est positus. Nihil est tam formidabile, ut illi terrorem incutere queat: mundi totius subversionem, ipsamque in se irruente necem impavidus intuebitur.

Quam primum Ezechias Rex de morte certior erat factus , ad bonam suam conscientiam confugit. Hæc sola illum poterat consolari. Eadem tibi in omnibus rebus adversis lorica erit impenetrabilis, vallum munitissimum , disertissimus Advocatus.

Iure igitur meritissimo dicamus licet. Nullæ opes , nullus honor , nulla excellentia , præ bona conscientia.

Bonus fruitur bona conscientia ait S. Marinus Bracarense (a) Hinc perpetuò gaudere si vis , virtutem cole.

CAPUT XLII.

Mala conscientia ingens tormentum est.

Graue & permolestum est simul vi vere cum fœminâ , quæ rixandi non facit finem , optabilius esset inter feras deserto in loco vitam ducere ; multò autem gravius ac difficilius est cum verme malæ conscientiæ commorari.

Vir conjugatus domo tantisper egredi , seque uxoris rixis atque molestijs subducere potest ; at vero malæ conscientia vermem effugere nemo valet.

Nullo non loco illi adhæret , domi in platea , in mensa : quovis tempore

(a) *Max. de moribus.*